



REPUBLIKA E KOSOVËS – РЕПУБЛИКА КОСОВО - REPUBLIC OF KOSOVO

**GJYKATA KUSHTETUESE
УСТАВНИ СУД
CONSTITUTIONAL COURT**

Prishtinë, më 9 shtator 2013
Nr. ref. MK 467/13

Rasti Nr. KO95/13

Parashtruesit

Visar Ymeri dhe 11 deputetë të tjerë të Kuvendit të Republikës së Kosovës

**Vlerësim i kushtetutshmërisë së Ligjit për Ratifikimin e Marrëveshjes së Parë Ndërkombëtare të Parimeve që Rregullojnë Normalizimin e Marrëdhënieve mes Republikës së Kosovës dhe Republikës së Serbisë,
Nr. 04/L-199**

GJYKATA KUSHTETUESE E REPUBLIKËS SË KOSOVËS

e përbërë nga:

Enver Hasani, Kryetar
Ivan Čukalović, Zëvendëskryetar
Robert Carolan, gjyqtar
Altay Suroy, gjyqtar
Almiro Rodrigues, gjyqtar
Snezhana Botusharova, gjyqtare
Kadri Kryeziu, gjyqtar, dhe
Arta Rama-Hajrizi, gjyqtare

MENDIMI KONKURRUES I GJYQTARIT ROBERT CAROLAN

Pajtohem me efektin e Aktgjykimit të shumicës në Gjykatë se ky ligj është në përputhshmëri me Kushtetutën.

Por, nuk pajtohem me arsyetimin e shumicës që konkludon se Gjykata Kushtetuese ka autoritet vetëm për të vendosur nëse procedurat e ndjekura nga Kuvendi për miratimin e këtij ligji përputheshin me Kushtetutën, por nuk ka autoritetin që të shqyrtojë nëse dispozitat materiale të këtij ligji janë në përputhje me Kushtetutën.

Neni 65(4) i Kushtetutës thjesht autorizon Kuvendin që të ratifikojë traktatet ndërkombëtare. Nuk e ndalon Gjykatën Kushtetuese që të shqyrtojë

nëse këto traktate janë në përputhje me Kushtetutën. Në të vërtetë, neni 113.5 i Kushtetutës qartazi autorizon Gjykatën Kushtetuese që të shqyrtojë dispozitat materiale të një traktati lidhur me atë se a janë miratuar me nxjerrje të një ligji apo vendimi të Kuvendit të Republikës së Kosovës. Në mënyrë specifike parasheh:

Dhjetë (10) a më shumë deputetë të Kuvendit të Kosovës, brenda një afati prej tetë (8) ditësh nga dita e miratimit, kanë të drejtë të kontestojnë kushtetutshmërinë e çfarëdo ligji ose vendimi të miratuar nga Kuvendi, si për përbajtjen, ashtu edhe për procedurën e ndjekur. (me theks të shtuar).

Kjo marrëveshje është një ligj i miratuar me vendimin e Kuvendit të Republikës së Kosovës. Kushtetuta parasheh në mënyrë specifike që edhe një traktat mund të ketë efektiv e të qenit ligj i miratuar:

Neni 19 [Zbatimi i së Drejtës Ndërkombëtare]

1. Marrëveshjet ndërkombëtare të ratifikuara nga Republika e Kosovës, bëhen pjesë e sistemit të brendshëm juridik pasi të botohen në Gazetën Zyrtare të Republikës së Kosovës. Ato zbatohen në mënyrë të drejtpërdrejtë, me përjashtim të rasteve kur nuk janë të vetëzbatueshme dhe zbatimi i tyre kërkon nxjerrjen e një ligji.

Në të vërtetë, Kapitulli II i Kushtetutës kërkon nga Gjykata që të bëjë një shqyrtim thelbësor kushtetues të një traktati që mund të miratohet.


Neni 21 [Parimet e Përgjithshme]

1. Të drejtat dhe liritë themelore të njeriut janë të pandashme, të patjetërsueshme e të pacenueshme dhe janë bazë e rendit juridik të Republikës së Kosovës.
2. Republika e Kosovës mbron dhe garanton të drejtat dhe liritë themelore të njeriut, të parashikuara në këtë Kushtetutë.
3. Çdokush e ka për detyrë t'i respektojë të drejtat e njeriut dhe liritë themelore të të tjera.
4. Të drejtat dhe liritë themelore të parashikuara në Kushtetutë, vlejnë edhe për personat juridikë, për aq sa janë të zbatueshme.

Për shembull, në qoftë se Kuvendi do të miratojë një traktat që ka shkelur të drejtat e njeriut të qytetarëve apo të anëtarëve të bashkësive të caktuara, atëherë Kushtetuta do të jetë e pakuptimitë nëse Gjykata Kushtetuese nuk do të mund të shqyronte dhe të zbatonte të drejtat e njeriut që janë të mbrojtura me Kushtetutë. Prandaj, Gjykata ka autoritetin për të shqyrtuar dispozitat materiale të këtij ligji dhe vendimin e Kuvendit për miratimin e këtij ligji.

Dispozitat materiale të këtij ligji dhe vendimi nuk shkelin Kushtetutën.

Dorëzuar me respekt,


Robert Carolan
Gjyqtar

